

Ա. Հակոբյան

ՀՈԿՏԵՄԲԵՐՅԱՆ ՍՈՑԻԱԼԻՍՏԱԿԱՆ ՄԵԾ ՌԵՎՈԼՅՈՒՑԻԱՆ
ԵՎ ՀԱՅ ԺՈՂՈՎՐԴԻ ԱԶԱՏԱԳՐՈՒՄԸ

Սովետական Միության աշխատավորները հայարտությամբ ու հրճմանքով նշում են Հոկտեմբերյան սոցիալիստական Մեծ ռևոլյուցիայի 40-րդ տարեգարծը։ Այդ փառապանծ տոնը մեծ խանդավառությամբ նշում են նաև սոցիալիստական լազերի բոլոր երկրների աշխատավորները, ամբողջ աշխարհի առաջավոր մարդկությունը։

Ընդգծելով Հոկտեմբերյան սոցիալիստական Մեծ ռևոլյուցիայի հաղթանակի մեծագույն նշանակությունը, Վ. Ի. Լենինը գրում է. «Այսուհետև նոր շրջան է սկսվում Ռուսաստանի պատմության մեջ, և սույնից երրորդ ռուսական ռևոլյուցիան վերջին հաշվով պետք է հասցնի սոցիալիզմի հաղթանակին»¹։

Մեծ ռևոլյուցիայի 40-ամյակը մեր երկրի աշխատավորները դիմավորում են այն ժամանակաշրջանում, երբ արդեն իրականացված է Վ. Ի. Լենինի այդ հանձարեղ կանխատեսությունը։

Եթե ցարական Ռուսաստանը ժողովուրդների բանտ էր, ապա Հոկտեմբերյան սոցիալիստական Մեծ ռևոլյուցիայի հաղթանակի և երկրում տեղի ունեցած արմատական փոփոխությունների շնորհիվ Սովետական Միությունը դարձավ այն երկիրը, որը աշխարհի բոլոր ժողովուրդներին օրինակ է ցույց տալիս ազատության, ժողովուրդների իրավահավասարության և եղբայրական համագործակցության ասպարեզում։ Սովետական Միությունը խաղաղության գրոշակակիրն է, բոլոր ճնշված ու ազատասեր ժողովուրդների հույսը։

Կործանելով շահագործողների տիրապետությունը, Հոկտեմբերյան ռևոլյուցիան Ռուսաստանում ոչնչացրեց նաև աղգային անհավասարությունը և երկրի բոլոր ժողովուրդների համար քաղաքական, տնտեսական ու կուլտուրական բարդավաճման ամենալայն հեռանկարներ բաց արեց։

Հոկտեմբերյան սոցիալիստական ռևոլյուցիայից անմիջապես հետո, 1917 թ. նոյեմբերի 15-ին հրապարակված «Ռուսաստանի ժողովուրդների իրավունքների դեկլարացիան» հռչակեց Ռուսաստանի բաղձալից ժողովուրդների նոր կյանքի հիմնական սկզբունքները։ Այն վերացրեց աղգային-կրոնական բոլոր և ամեն տեսակի արտոնություններն ու սահմանափակումները, լիկվիդացրեց աղյուսյին ճնշումը։ Ռուսաստանում և լայն հեռանկարներ բաց արեց նախկինում ճնշված ժողովուրդների, ինչպես նաև հայ ժողովրդի առջև։ Համաշխարհային պատմական այդ փաստաթղթի ընդունումը և անշեղ կենսագործումը խոշորագույն նշանակություն ունեցան ճնշված ժողովուրդների համար, որոնք խանդավառությամբ ընդունեցին այն։

Հոկտեմբերյան սոցիալիստական Մեծ ռևոլյուցիայի հաղթանակի անմիջական ազդեցությամբ ինչպես Ռուսաստանի աղգային բոլոր շրջաններում ու

¹ Վ. Ի. Լենին, Երկեր, հատ. 20, էջ 284։

ծաշխամասերում, նույնպես և Անդրկովկասում լայն ծախսով ստացալ ունույնցիո՞ւ շարժումը: Անդրկովկասյան բոլշևիկյան կազմակերպությունների ղեկավարությամբ Ադրբեջանի, Վրաստանի և Հայաստանի բանվորներն ու գյուղացիները, համախմբելով իրենց մարտական շարքերը, ուսումնառելով ժողովրդի և դաշխարական օգնությամբ հերոսական պայքարի դուրս եկան Հոկտեմբերյան սոցիալիստական Մեծ ռեվոլյուցիայի հաղթանակը Անդրկովկասում իրականացնելու, իրենց ազատությունն ու անկախությունը ձեռք բերելու համար: Ինչպես տալիս է ՍՄԿՊ Կենտկոմի պրոպագանդայի ու ագիտացիայի բաժնի և ՍՄԿՊ Կենտկոմին առընթեր մարքսիզմ-լենինիզմի ինստիտուտի թեզիսներում, «Հոկտեմբերյան սոցիալիստական Մեծ ռեվոլյուցիան ծնունդ առավ ու հաղթանակեց որպես աշխատավորների հզոր, ցասումնալից բողոքը ընդդեմ Ռուսաստանը ազատի ելրին հասցրած իմպերիալիստական պատերազմի, ընդդեմ շահագործող դասակարգերի՝ կապիտալիստների ու կալվածատերերի տիրապետության, ընդդեմ ազգային ճնշման»:

Սակայն Անդրկովկասում, այդ թվում նաև Հայաստանում, Սովետական իշխանության հաղթանակի համար մղվող պայքարում դոյություն ունեին մի շարք լուրջ դժվարություններ և խոչընդոտներ, որոնց հետևանքով այստեղ այդ պայքարը ընդունեց ավելի սուր և ավելի երկարատև բնույթ:

Երբ Ռուսաստանում հաղթանակեց պրոլետարական ռեվոլյուցիան, այդ տարիներին Անդրկովկասում իշխանության գլուխ կանգնեցին բուրժուա-նացիոնալիստական պարտիաները՝ մենշևիկները, դաշնակները և մուսավաթականները՝ սկզբում հանձին Անդրկովկասի կոմիսարիատի և Անդրկովկասի Սեյմի, իսկ հետո՝ ազգային «անկախ» կառավարությունների: Մոլեգին կերպով ձգտելով բոլոր միջոցներով Ռուսաստանում ձախողել սոցիալիստական ռեվոլյուցիան, Անդրկովկասի բուրժուա-նացիոնալիստական պարտիաները և բոլոր կոնտրռեվոլյուցիոն ուժերը իրենց առջև խնդիր էին դրել Անդրկովկասն անջատել Սովետական Ռուսաստանից, այն դարձնել օտարերկրյա իմպերիալիստների գաղութ և պայքարի բազա ընդդեմ Ռուսաստանի սոցիալիստական պետության: Այդ նպատակով նրանք մի կողմից Անդրկովկասի դռները բաց էին արել օտարերկրյա դավթիչների՝ նախ դերմանա-թուրքական, ապա ամերիկյան, անգլիական ու ֆրանսիական իմպերիալիստների առաջ, մյուս կողմից, ձգտելով Անդրկովկասի ժողովուրդներին անջատել միմյանցից, նրանց մեջ սերմանելով նացիոնալիզմ ու շովինիզմ, հրահրում էին եղբայրասպան պատերազմներ, դասակարգային պայքարը սքողում ազգային դրոշակներով ու սլոգաններով:

Նման պայմաններում Անդրկովկասի բոլշևիկների առջև լուրջ ու դժվարին խնդիրներ էին դրված՝ ինտերնացիոնալիստական հետևողական քաղաքականությամբ սոցիալիստական ռեվոլյուցիայի դրոշի շուրջը համախմբել երկրամասի բոլոր ժողովուրդներին աշխատավորներին, մինչև վերջ և անողորմար մեղեցանել ու ջախջախել բուրժուա-նացիոնալիստական կոնտրռեվոլյուցիոն ուժերը, Անդրկովկասում հաստատել սովետական կարգեր:

Տնտեսական թույլ դարդացման հետևանքով, ինչպես ամբողջ Անդրկովկասում, նույնպես և Հայաստանում, Ռուսաստանի համեմատությամբ, ավելի պակաս էր պրոլետարիատը, որը նույնպես որոշ դժվարություններ էր ստեղծում սոցիալիստական ռեվոլյուցիայի հաղթանակի համար մղվող պայքարում: Ինչպես նշված է «ՍՍՌՄ-ում քաղաքացիական կռիվների պատմություն» աշխա-

տության 2-րդ հատորում, պրոլետարական կարողերի պակասը չէր կարող իր հերթին շանդրադառնալ բոլշևիկյան կազմակերպությունների աշխատանքի վրա¹։ Այդ դժվարությունները, սակայն, հաղթահարվում են Անդրկովկասի բոլշևիկյան կազմակերպությունների՝ Ադրբեջանի, Վրաստանի ու Հայաստանի բոլշևիկների կողմից։

Այնուհետև, բուրժուա-նացիոնալիստական պարտիաների՝ դաշնականների, մենշևիկների, մուսավաթիստների և մյուս թափթփուկների քաղաքականության հետևանքով կենտրոնի համեմատությամբ Անդրկովկասում ավելի ուժեղ էր օտարերկրյա իմպերիալիստների ճնշումը։

Հաստատվելով Անդրկովկասում, ամերիկյան-անգլիական ու ֆրանսիական իմպերիալիստները նյութական, քաղաքական և ռազմական միջոցներով օգնում էին դաշնականների, մենշևիկների ու մուսավաթիստների մարիոնետային կառավարություններին երկրամասում ամենակատաղի կերպով ճնշելու բանվորների ու գյուղացիների պայքարը Անդրկովկասում սովետական կարգերի հաստատման համար։ Օտարերկրյա իմպերիալիստների այդ յգնության հետևանքով Անդրկովկասի բուրժուա-նացիոնալիստական պարտիաներին հաջողվում է որոշ ժամանակ պահպանել իրենց իշխանությունը, որը, սակայն, հաստատուն չեղավ։ Հակառակ ամեն տեսակի հալածանքներին ու ճնշումներին, բոլշևիկյան կազմակերպությունների ղեկավարությամբ երկրամասում բարձրանում էր ռևոլյուցիոն շարժումը հանուն Հոկտեմբերյան ռևոլյուցիայի հաղթանակի։

1917 թ. դեկտեմբերի 16-ին Սովետական Ռուսաստանի ժողովոմսովետի նիստում քննարկվում է Կովկասում ստեղծված դրության հարցը։ Դրանից երկու օր հետո, դեկտեմբերի 18-ին, ընդունվում է ժողովոմսովետի դեկրետը Ստ. հա-հումյանին Կովկասի Գործերի ժամանակավոր Արտակարգ կոմիտար նշանակելու մասին։ Անցնելով իր պարտականությունների կատարմանը, Ստ. Շահումյանը մարտական կոչ է ուղղում Կովկասի բանվորներին, զինվորներին և գյուղացիներին՝ Կոմունիստական պարտիայի ղեկավարությամբ շարունակել հե-րոսական պայքարը Հոկտեմբերյան ռևոլյուցիայի հաղթանակը Կովկասում ապահովելու համար։

1917 թ. դեկտեմբերի 31-ին Սովետական Ռուսաստանի կառավարությունը որոշեց արձակել «Թուրքահայաստանի» մասին դեկրետը, որով արևմտահայերին տրվում է լիակատար անկախության և ազատ ինքնորոշման իրավունք։ Այդ իրավունքի իրականացման համար դեկրետով նախատեսվում էին մի շարք երաշխիքներ՝ թուրքական և ռուսական զորքերի հեռացում Արևմտյան Հայաստանից, ներքին կարգ ու կանոնն ապահովելու համար հայկական ժողովրդական միլիցիայի կազմակերպում, առաջին համաշխարհային պատերազմի տարիներին Արևմտյան Հայաստանից Թուրքիայի խորքերը արտաքսված և փախըստական հայերի վերադարձը Արևմտյան Հայաստան և այլն։ Համաձայն այդ դեկրետի, Սովետական Ռուսաստանն իր զորքերը ետ քաշեց Արևմտյան Հայաստանից, ուր նրանք մտել էին համաշխարհային պատերազմի ժամանակ։

Հայ ժողովուրդը մեծ գոհունակությամբ ընդունեց «Թուրքահայաստանի» մասին դեկրետը։ Սակայն օտարերկրյա իմպերիալիստների հարձակումը Ռու-

¹ Տե՛ս «История гражданской войны в СССР, том 2, 1937, стр. 113.

սաստանի ու Անդրկովկասի վրա և Անդրկովկասի անջատումը Սովետական Ռուսաստանից արդեւակեցին այդ ղեկրհուի իրականացումը:

Կենսագործելով Կոմունիստական սլաքտիայի Կենտրոնական Կոմիտեի, սլաքտիայի մեծ առաջնորդ Վ. Ի. Լենինի ցուցումները, Հայաստանի բանվորներն ու գյուղացիները, Վրաստանի ու Ադրբեջանի բանվորների ու գյուղացիների հետ միասին, բոլշևիկների ղեկավարութեամբ ծավալուն սլաքար սկսեցին հանուն սովետական կարգերի, ընդդէմ դաշնականների, մենշևիկների, մուսավաթիստների և մյուս բոլոր կոնտրակոլյուցիոն ուժերի, ընդդէմ օտարերկրյա զավթիչներին:

Անդրկովկասում Սովետական իշխանութեան համար ծավալված սլաքարը հանդիպում է ներքին և արտաքին կոնտրակոլյուցիոն ուժերի կատաղի դիմադրութեանը: Նրանք ստեղծում են կոնտրակոլյուցիոն ուժերի կոալիցիա: Այդ կոալիցիայի արտահայտութեանը հանդիսացավ 1917 թ. նոյեմբերի 15-ին Ռիֆիսում մենշևիկների, էսենների, մուսավաթիստների ու դաշնականների ներկայացուցիչներից կազմված կոնտրակոլյուցիոն կառավարութեանը՝ Անդրկովկասյան կոմիսարիատը: Այդ կոմիսարիատի հրամանով 1918 թ. հունվարին Շամխոր կայարանի մոտ զինված բանդաները սլաղակային հարձակում են գործում թուրքական ռազմաճակատից Ռուսաստան վերադարձող զինվորների վրա, զինաթափում են նրանց և կոտորում հազարավոր ռեկոլյուցիոն զինվորներին:

Կենսագործելով Վ. Ի. Լենինի ցուցումները, Ստ. Շահումյանի, Մ. Աղիբեկովի, Ա. Ջափարիձեի ղեկավարութեամբ Բարվի սլոլեւարիատը շարունակում է համառ ու հերոսական սլաքար ներքին և արտաքին թշնամիների դէմ: 1918 թ. մարտի 30-ից մինչև ապրիլի 1-ը Բարվում տեղի են ունենում քաղաքացիական կռիւներ, որին երկու կողմից մասնակցում էին ավելի քան 20 հազար մարդ: Այդ կռիւներում հաղթանակում են ռեկոլյուցիոն ուժերը, որի շնորհիւ ձեւում է Բարվի հերոսական կոմունան՝ առաջին Սովետական իշխանութեանը Անդրկովկասում: Հակառակ ներքին և արտաքին կոնտրակոլյուցիոն ուժերի ամենակատաղի դիմադրութեան, իշ. գոյութեան կարճ ժամանակամիջոցում (1918 թ. ապրիլի 1-ից մինչև հուլիսի 31-ը) Բարվի կոմունան խոշոր գործ կատարեց:

Ողևորված Բարվի սլոլեւարիատի հերոսական սլաքարում ու հաղթանակում, Հայաստանի ու Վրաստանի բանվորներն ու գյուղացիները ծավալուն սլաքար են սկսում դաշնականների ու մենշևիկների տիրապետութեան դէմ:

Այդ սլաքարում զնալով ավելի ու ավելի է ուժեղանում բոլշևիկների սղ-ղեցութեանը մասսաների վրա: Աճում է բոլշևիկների աղղեցութեանը նաև բանակում: Բանակի շատ մարտիկներ, նույնիսկ առանձին զորամասեր, գնում են բոլշևիկների հետևից: Հազարավոր ու տասնյակ հազարավոր աշխատավորներ, որոնք հակառակ իրենց կամքի բշվել էին բանակ, անցնում են ռեկոլյուցիոն բանվոր դասակարգի ու գյուղացիութեան կողմը:

Մյուս կողմից դաշնականների բանակում շտեմնված շափերի է հասնում դասալքութեանը: Դաշնականների կառավարութեան Մինիստրների Խորհուրդը 1918 թ. օգոստոսից մինչև ղեկտեմբերն ընկած ժամանակամիջոցում երեք անգամ իր նիստերում քննութեան է առնում բանակում ծավալվող դասալքութեան

¹ Տե՛ս Ստ. Շահումյան, Ընթեր. երկեր, Հայ-դեւրատ, 1948, էջ 363:

հարցը՝ Սակայն ոչ ճնշումները, ոչ բանտն ու աքսորը և ոչ էլ մահապատիժները չօգնեցին դաշնականներին՝ թեկուզ չնչին չափով կանխելու դասալքությունը 1919 թ. դեկտեմբերի 19-ին Մինիստրների հորհրդի նախագահին ուղղած իր ղեկուցագրում ներքին գործերի մինիստրը խոստովանեց, որ 1919 թ. հունվարից մինչև նոյեմբերը դասալքների թիվը հասել է 17.6665 հոգու։ Պետք է ենթադրել, որ այդ թվերը լրիվ չեն և բավական պակասեցված են։ Դաշնականների տիրապետության առաջին իսկ օրերից այդ տիրապետության դեմ Հայաստանի տարբեր քաղաքներում ու գավառներում բռնկված ղեկավարության տեղի են ունենում բանվորների, զինվորների ու գյուղացիների մի շարք ելույթներ, որոնք հաճախ վեր են ածվում զինված ընդհարումներին։

1918 թ. վերջերին Դիլիջանի շրջանի Միխայիլովկա գյուղում կանգնած էր դաշնակցության բանակի 6-րդ գունդը։ Գնդի հրամանատարությունը, սպանելով և զինվորների ռեակցիոն մասը բացարձակ կերպով կողոպտում էին գյուղացիներին։ Գյուղացիներն սկսում են կազմակերպվել՝ նպատակ ունենալով զենքով պաշտպանվել դաշնակցական թալանչիներից։ Անհանգստանալով նախապատրաստվող այդ ելույթներից, դաշնակցական բանակի գեներալ Բաղդասարյանը 1919 թ. հունվարի 10-ին Դիլիջանից Երևան՝ դիվիզիայի պետին հեռագրում է հետևյալը. «Միխայիլովկա գյուղի բնակիչները որոշել են զենքով դիմադրել իշխանությանը 14-ին այդ շրջանն եմ ուղարկելու մեկ գումարտակ և երկու հրանոթ։ Խնդրում եմ գործուղել զինվորական քննիչ»²։

Այդ դեպքերի կապակցությամբ Դիլիջանի գավառային կոմիսարը հատուկ ներկայացուցիչ է ուղարկում Միխայիլովկա գյուղը, որը, տեղում ծանոթանալով դրությունը, շտապում է ղեկուցել իր պետերին։ Զեկուցագրում վերջինս նշում է, որ Միխայիլովկա գյուղում զինված գյուղացիների քանակը հասնում է 400-ի, որ ամեն օր կատարվում է ռազմական ուսուցում, ըստ որում առաջարկ է արված շրջակա գյուղերին՝ պաշտպանելու այդ զինված ելույթը և օգնելու զինամթերքներով։ Դաշնակցական կոմիսարը Միխայիլովկա գյուղի մասին իր ղեկուցագիրն ավարտում է հետևյալ խոսքերով. «Նման ուղղությունը իր ընդհանուր բարդություններով, արագ և եռանդուն միջոցներ ձեռք չառնելու դեպքում, կարող է ստեղծել ուժեղ անարխիա հիշյալ շրջանում»³։ Զեռք առնելով բոլոր միջոցները, դաշնականներին հաջողվում է Միխայիլովկա գյուղում նախապատրաստվող զինված ելույթի փորձը ճնշել։

1919 թ. փետրվարի վերջերին Նոր Բայազետի զավառի Զոդ գյուղում զինված ընդհարում է տեղի ունենում գյուղացիների և դաշնակցական զորքերի միջև, որի ընթացքում հայ և ադրբեջանցի գյուղացիները միանալով, սպանում են դաշնականների հեծյալ դիվիզիոնի 3 սպաների և 57 զինվորների։ Այդ զինված ընդհարումը բավական լուրջ բնույթ է կրում։ Դաշնականների կառավարության Մինիստրների հորհուրդը իր նիստում լսում է ներքին գործերի մինիստրի տեղակալի ղեկուցումը Զոդի դեպքերի մասին և որոշում արտակարգ քննիչ հանձնաժողով ուղարկել տեղում հայտնաբերելու և խստորեն պատժելու հանցավորներին։ Հանձնաժողովը, մեկնելով Զոդ, հանդիպում է ապստամբ գյուղացիների դիմադրությանը և հնարավորություն չի ունենում սկսելու իր աշխա-

¹ Տե՛ս ՀՍՍՌ ՊԿԱ, ֆ. 67/199, գ. 29, թ. 346—347։

² ՀՍՍՌ ՊԿԱ, ֆ. 68Ը/200, գ. 242, թ. 9։

³ Տե՛ս նույն տեղում, թերթ 13։

տանքները՝ Մարտի 17-ին Մինիստրների Խորհուրդը որոշում է պատժիչ զորամաս ուղարկել Զոդ գյուղը:

Գյուղացիական ելույթները ծավալվում են Նոր Բայազետի գավառի նաև մյուս գյուղերում, որի հետևանքով դաշնականների կառավարությունը լիազորում է զինվորական մինիստրին Նոր Բայազետի գավառում հիմնել ուղղամա-դաշտային դատարաններ՝ ամենակատաղի դատաստան տեսնելու համար ռևոլյուցիոն գյուղացիների հետ¹:

Մորիլիզացնելով մեծ ուժեր և գործադրելով բոլոր միջոցները, դաշնականները ձնշում են զինված ելույթները Զոդում և Նոր Բայազետի գավառի մյուս գյուղերում:

Հայաստանի տարբեր գավառներում գյուղացիների զինված ելույթները դաշնականների տիրապետության դեմ ավելի լայն շափեր են ընդունում 1919 թ. ամռանը: Այդ ելույթների հետևանքով այնքան լուրջ սպառնալիք է ստեղծվում, որ դաշնակցական կառավարության Մինիստրների Խորհուրդը 1919 թ. հուլիսի 27-ի նիստում լսում է հատուկ ղեկուցում Հայաստանի «մի քանի վայրերում (անունները չի հիշատակված — Ա. Հ.) ծագած ապստամբությունների դեմ միջոցներ ձեռք առնելու մասին»²: Հետաքրքրական է այն փաստը, որ դաշնականները մեծ վախ զգալով այդ ելույթներից և վստահ չլինելով իրենց զինված ուժերի նկատմամբ, ղեկուցման առթիվ ընդունած մի շարք միջոցառումների շարքում, որոշում են արտակարգ զորահավաք կատարել³ և ճնշել գյուղացիական ելույթները: Հայաստանի տարբեր գավառներում՝ Նոր Բայազետում, Զանգեզուրում, Դիլիջանում և այլն:

1920 թ. հունվարին Ալեքսանդրապոլում (այժմ Լենինական) տեղի է ունենում երկաթուղային բանվորների գործադուլ, որը վեր է ածվում դեմոնստրացիայի և զինված ընդհարումների դաշնակցական բանդաների հետ:

Սակայն Հայաստանի բանվորների և գյուղացիների պայքարը հանուն Սովետական իշխանության ավելի լայն ծավալ և նոր թափ ստացավ 1920 թ. դարնանը:

1919 թ. վերջերին, 1920 թ. առաջին ամիսներին Ռուսաստանի հարավում և Անդրկովկասում տեղի ունեցան խոշոր իրադարձություններ, որոնք մեծ չափով նպաստեցին ռևոլյուցիոն շարժման է՛լ ավելի ծավալմանը: Անդրկովկասում, այդ թվում նաև Հայաստանում: Սովետական Ռուսաստանի Կարմիր Բանակի հուժկու հարվածների տակ ջախջախվեց Դենիկինի բանակը և ձախողվեց նրա արշավանքը դեպի Մոսկվա: Այդ արշավանքին մասնակցում էր նաև դաշնականների կառավարությունը, որը, չնայած իր ծանր վիճակին, Դենիկինին ցույց էր տալիս ամենապոռոժոն օգնությունը: Բնորոշ է, որ Դենիկինին օգնելու նպատակով դաշնականները հանեցին Կարսի ամրոցի հրանոթները և ուղարկեցին Հյուսիսային Կովկաս՝ Կարմիր Բանակի դեմ:

Դենիկինը իր ջախջախված բանակի մնացորդներով խուճապահար նահանջում էր դեպի հարավ, հետապնդվելով Կարմիր Բանակի կողմից: 1920 թ. սկզբին ամբողջ Ռևուսիսան և Հյուսիսային Կովկասը ազատագրվեցին սպիտակ բանդաներից:

¹ ՀՍՍՌ ՊԿԱ, ֆ. 68с/200, դ. 242, քերթ 53:

² Նույն տեղում, ք. 180:

³ Տե՛ս նույն տեղում:

Դենիկինի բանակում դաշնականների կառավարության դիվանագիտական ներկայացուցիչը տագնապալից մի զեկուցագիր է ուղարկում իր կառավարության ղեկավարներին, որով ողբում է Դենիկինի բանակի անհաջողությունները և նախազգուշացնում, որ դա միաժամանակ իրենց անհաջողությունն է, որ պետք է դիմել բոլոր միջոցներին՝ փրկելու իրենց տիրապետությունը: Դաշնակցական գործիչը առանձնապես մեծ սարսափով է խոսում բուլղարական ագիտացիայի մասին:

Զեկուցագրում ասված է.

«Իմացել եմ, որ բուլղարական հայտնի գործիչ Մյասնիկյանը, մեկնելով Իֆլիս, ճանապարհին եղել է Նովորոսիյսկում», կարող է գալ նաև Երևան: Մեր հայրենիքի համար մեծ դժբախտություն կլինեք, եթե նա երևար Հայաստանում և զբաղվեր ագիտացիայով: Ձեռք առեք բոլոր միջոցները, որպեսզի նրան թույլ չտալ մեզ վնասներ պատճառի:... Այնպիսի ագիտատորի ներկայությունը, ինչպիսին Մյասնիկյանն է, որը, հավանական է, եկել է մեծ գումարով, պրոպագանդայի համար, մեզ համար կարող է շատ վտանգավոր լինել»¹:

Զախչախելով Դենիկինի զորքերը, հերոսական Կարմիր Բանակը մոտենում է Անդրկովկասի դռներին: Այդ ավելի է ոգևորում Ադրբեջանի, Հայաստանի ու Վրաստանի բանվորներին ու գյուղացիներին, որոնք բուլղարական ղեկավարությանը շարունակում էին պայքարը հանուն սովետական կարգերի: Այդ պայքարում նրանք մենակ չէին: Նրանց անշահախնդիր եղբայրական օգնություն էր ցույց տալիս Սովետական Ռուսաստանը: 1920 թ. մարտի 17-ին Ս. Օրջոնիկիձեի անունով ուղարկված հեռագրում Վ. Ի. Լենինը գրում է, որ Կարմիր Բանակը պետք է օգնություն ցույց տա Ադրբեջանի աշխատավորությանը:

Վ. Ի. Լենինի ցուցումների հիման վրա, Ս. Օրջոնիկիձեն, Ս. Կիրովը և Ա. Մկրտչյանը Ադրբեջանի բուլղարական հետ միասին, մշակում են զինված ապստամբության պլանը և բազմակողմանիորեն նախապատրաստում այն: Համաձայն այդ պլանի, 1920 թ. ապրիլի 27-ի լույս 28-ի գիշերը տեղի է ունենում Էաքվի պրոլետարիատի զինված ելույթը ընդդեմ մուսավաթիստների իշխանության: Ապստամբությունը ծավալվում է մեծ արագությամբ և ավարտվում հաղթանակով: Ադրբեջանում հաստատվում են սովետական կարգեր:

Կարմիր Բանակի հաղթանակները Ռուսաստանի հարավում և սովետական կարգերի հաստատումը Ադրբեջանում ավելի ու ավելի են ոգևորում Հայաստանի բանվոր դասակարգին և աշխատավոր գյուղացիությանը: Հայաստանում լայն ծավալ է ստանում ռեուլյուցիոն մասսայական շարժումը, որը առանձին պալատների ու քաղաքների շրջանակներից դուրս գալով, ընդգրկում է համարյա ամբողջ երկիրը: Այդ 1920 թ. մայիսյան փառապանծ ապստամբությունն էր:

1920 թ. Մայիսի 1-ի տոնակատարությունը Հայաստանի բոլոր խոշոր կենտրոններում անցավ բուլղարական ղեկավարությանը և նրանց լոգունձնհրով: Զինված ապստամբությունը ղեկավարելու համար մայիսի 7-ին կազմակերպվում է Հայաստանի Ռազմա-ռեուլյուցիոն Կոմիտե, որը գտնվում էր Ալեքսան-

* Ա. Մյասնիկյանը այդ ժամանակ Նովորոսիյսկում չի եղել և Թիֆլիս չի մեկնել. ըստ երևույթի դաշնակցական գործչի տվյալները ստույգ չեն եղել: Սակայն այդ ցույց է տալիս, թե դաշնակները որքան սարսափ էին գրում բուլղարական ճշմարտացի ագիտացիայից:
1 ՀՍՍՌ ՊԿԱ, ֆ. 685/200, դ. 313, թ. 2:
2 ՏԵՍՍՍՖ, Լ. Լենին, Երկեր, հատ. 35, էջ 480:

դրապուրում: Ռազմա-ռեուլյուցիոն Կոմիտեի կազմի մեջ էին Ս. Մուսայելյանը, Ա. Նուրիջանյանը, Գ. Տեր-Սիմոնյանը, Ա. Մելքոնյանը, Պ. Պետրոսյանը, Գ. Սարգսյանը, Լ. Ուլիբեկյանը և Ա. Տեր-Սահակյանը:

Մայիսի 10-ին Ալեքսանդրապոլի քանվորները Ս. Մուսայելյանի, Բ. Ղարիբջանյանի և Ե. Սեյանի ղեկավարությամբ սկսեցին զինված ապստամբությունը: Ալեքսանդրապոլում հաստատվեց Սովետական իշխանություն: Շուտով դաշնակներն իրենց զլխավոր ուժերը խմբապետ Սեպուհի ղեկավարությամբ ուղղեցին Ալեքսանդրապոլի վրա: Մայիսի 11-ից մինչև 13-ը տեղի են ունենում անհավասար ու կատաղի մարտեր. 14-ին ապստամբությունն արդեն ճնշված էր:

Ընդդեմ դաշնակների զինված ապստամբություններ են տեղի ունենում նաև Հայաստանի մյուս քաղաքներում ու շրջաններում: Կարսում ապստամբության զուլս էր կանգնած կրակոտ ռեուլյուցիոններ Ղ. Ղուկասյանը: Այստեղ մայիսի 11-ից 13-ը ապստամբները իշխանությունը նույնպես իրենց ձեռքն են վերցնում, բայց կտրված լինելով մյուս շրջաններից և չստանալով օգնություն, չեն կարողանում պահել իշխանությունը: Նույնպիսի ապստամբություններ են տեղի ունենում Սարիղամիշում՝ մայիսի 11-ից—18-ը: Այստեղ Ռազմա-ռեուլյուցիոն Կոմիտեի նախագահն էր Ա. Ճուղուրյանը. նոր Բայազետում ապստամբությունը տեղի է ունենում մայիսի 13-ից 19-ը՝ Հ. Սարուխանյանի ղեկավարությամբ: Ծավալվում է մայիսի 20-ից Զանգեզուրում սկսված ապստամբությունը և մի քանի օրում Սովետական իշխանություն է հաստատվում ամբողջ Զանգեզուրում: Զանգեզուրում ապստամբությունը ղեկավարում էին Հ. Կամարին (Բեջանյան), Բ. Հարությունյանը, Խ. Մկրտչյանը և ուրիշներ: Սակայն կատաղի կռիվներից հետո դաշնակներին հաջողվում է մայիսի վերջերին այդ ապստամբությունը ևս ճնշել:

Համարյա բոլոր վայրերում ապստամբություններին ամենաակտիվ կերպով մասնակցում են զինվորները, որը առանձնապես ցայտուն կերպով արտահայտվել է Ալեքսանդրապոլում, Կարսում, Սարիղամիշում և Նոր Բայազետում:

Մայիսյան օրերին զինված ապստամբության փորձեր են լինում նաև Ղարաբաղի իսայում (այժմ Կիրովական), Կաղզվանում, Իզդիբում և այլ վայրերում:

Քարվանսարայի (այժմ Իջևան) և Շամշադինի շրջաններում ապստամբությունը սկսվեց մայիսի 18-ին: Գրավելով այդ շրջանները և առաջ շարժվելով, ապստամբները մայիսի 22-ին իրենց ձեռքն են վերցնում Դիլիջանը, այնտեղ հաստատելով Սովետական իշխանություն, որը գոյություն է ունենում մինչև մայիսի վերջերը: Այստեղ զինված ապստամբությունը ղեկավարում էր Դիլիջանի գավառի Ռեկոմը, որի կազմի մեջ մտնում էին Շ. Ամիրխանյանը, Ա. Շամախյանը, Ե. Մկրտումյանը և ուրիշներ: Շուտով դաշնակցական քանդակներ ստեղծվում են հարձակման: Տեղի են ունենում կատաղի կռիվներ, որոնց քնթացքում դաշնակները այդ շրջանում նույնպես վերականգնում են իրենց իշխանությունը: Ապստամբների մի մասը, թողնելով Հայաստանը, անցնում են Սովետական Ադրբեջան:

Մայիսյան ապստամբությունը, որն ընդգրկեց ամբողջ երկիրը, փայլուն կերպով ասպարեցեց Ռուսաստանի ծայրամասերից մեկի՝ Հայաստանի բանվորների և գյուղացիների դաշինքի ուժը:

Մայիսյան ապստամբությունը ճնշելուց հետո Հայաստանի բոլոր գավառներում ու շրջաններում դաշնակներն սկսեցին կատաղի հարձակում բռնելու կազմակերպությունների և նրանց հետևից գնացող ռեուլյուցիոն մասսաների վրա: Ապստամբության օրերին և նրանից հետո դաշնակ խմբապետների ձեռքով սպանվում են ապստամբության ղեկավարներ Ղ. Ղուկասյանը, Ս. Ալավերդյանը, Բ. Ղարիբջանյանը, Հ. Սարուխանյանը, Ս. Մուսայելյանը, Ծ. Սեյանը, Ա. Ճուղուրյանը, Բ. Բատիկյանը, Վ. Ալեքսևը և շատ ուրիշներ:

Երկրում ավելի դժգոհ ու տեղորոշական ռեժիմ հաստատելու գործում դաշնակները մեծ օգնություն են ստանում ամերիկյան և անգլո-ֆրանսիական իմպերիալիստներից: Դեռևս ապստամբության նախօրյակին գեներալիստական բանակում դաշնակցական կառավարության ներկայացուցիչը 1920 թ. ապրիլի 27-ին դիմում է նույն բանակում անգլիական կառավարության ներկայացուցիչ գեներալ Պերսին, խնդրելով Անգլիայի օգնությունը: «Քանի դեռ Հայաստանը չի անջատված (այսինքն՝ քանի դեռ դաշնակների տիրապետությունը չի տապալված—Ա. Հ.),—ասված է դիմումի մեջ,—պետք է փոխադրել այնտեղ գեներալ, արևելք, դինսպաշար, տեխնիկական միջոցներ և հագուստ, այն հաշվով, որ նա բավարարի մինիմում 60 հազարանոց, մաքսիմում 100 հազարանոց բանակի....

Բոլշևիզմի ալիքը անարգելք կերպով տարածվում է ամբողջ Արևելքում»¹—խուճապահար վերջացնում է իր դիմումը դաշնակների կառավարության ներկայացուցիչը:

Դրան որպես սպառախան, Անտանտայի պետությունները նույն թվականի հունիսին ռազմական մեծ օգնություն են ցույց տալիս դաշնակներին, որպեսզի վերջիններս ճնշեն ռեուլյուցիոն շարժումները և սպահանքներ իրենց իշխանությունը: Անգլիան հատկացնում է 40 հազար հոգու սպառազինությունն ապահովելու համար բոլոր ղեներներն ու այլ միջոցները, Ֆրանսիան տրամադրում է 10 հազար հրացան, 10 միլիոն փամփուշտ, Հունաստանը խոստանում է տալ 10 հազար հրացան, 4 միլիոն փամփուշտ և այլն²:

Իր գոյության երկու և կես տարիների ընթացքում դաշնակների կառավարությունը միայն անգլո-ամերիկյան իմպերիալիստներից ֆինանսական օգնություն է ստացել 17,4 միլիոն դոլար, որից 13 միլիոնը ԱՄՆ-ից, 4,4 միլիոնը Անգլիայից³: Անգլո-ամերիկյան իմպերիալիստները, սլարտքի անվան տակ այդպիսի գումարներ տրամադրելով դաշնակներին, ինչպես նաև մենշևիկներին ու մուսավաթիստներին, վերջիններիս օգտագործելով որպես իրենց կամակատարները, նպատակ էին դրել ամրացնել իրենց դիրքերը Անդրկովկասում, այն դարձնել իրենց գաղութը և օգտագործել որպես նոր արշավանքի բազա ընդդեմ Սովետական Ռուսաստանի:

Թևավորված իրենց ժամանակավոր հաջողություններից, դաշնակները Մայիսյան ապստամբության ճնշումից հետո ամենուրեք սկսում են դատաստան տեսնել Հայաստանի բոլշևիկյան կազմակերպությունների և ռեուլյուցիոն մասսաների հետ: Սակայն այդ երկար շտեկից նրանց չհաջողվեց խեղդել Հայաստանի քանվորների ու գյուղացիների ռեուլյուցիոն շարժումը, թուլացնել

¹ ՀՍՍՌ ՊԿՍ, ֆ. 680/200, դ. 453, թ. 25:

² Նույն տեղում, թերթ 66.

³ «Նորհրդային Հայաստան, 1920—1923 թթ.», Ժողովածու, Երևան, 1926, էջ 3:

կամ ոչնչացնել վերջիններիս դաշինքը Ռուսաստանի բանվորների ու գյուղացիների հետ:

1920 թ. հուլիսին Զանգեզուրի բանվորներն ու գյուղացիները բռնկեցին իրենց ղեկավարությամբ նորից ևս բարձրացնում ապստամբության դրոշմ հանուն սովետական կարգերի: Ապստամբությունը սկսվում է Ղափանում և Շիկահող գյուղում: Շուտով այն ծավալվում է ամբողջ Զանգեզուրում: Տապալելով դաշնականների տիրապետությունը և Զանգեզուրից դուրս շարտելով Նժդեհի ու բրոյի հրոսակախմբերը, ապստամբները Գորիսի, Ղափանի և Սիսիանի շրջաններում հաստատում են Սովետական իշխանություն, որը գոյություն է ունենում մինչև նույն թվականի հոկտեմբեր ամիսը: Սակայն, օտարերկրյա իմպերիալիստների օգնությամբ դաշնականներին հաջողվում է վերականգնել իրենց իշխանությունը:

Նման ծանր պայմաններում Հայաստանի Կոմունիստական (բռնկեցին) պարտիան իր շուրջն էր համախմբում երկրի ուսույցից ռեժիմը և նրանց նախապատրաստում հետագա նոր մարտերի: Հայաստանի Կոմունիստական պարտիայի Կենտկոմի 1920 թ. հոկտեմբերին Հայաստանի բանվորներին ու գյուղացիներին ուղղված կոչերից մեկում ասված է.

«Մենք դիմում ենք Հայաստանի բանվորա-գյուղացիական մասսաներին, նրանց հեղափոխական կորույթին ու դասակարգային դիտակցությանը՝ կազմակերպվելու Կոմունիստական կուսակցության դրոշի շուրջը, հավաքելու ջրված հեղափոխական ուժերը, որպեսզի ձեռք-ձեռքի տված խորհրդային Ռուսաստանի պրոլետարիատի հետ, միահամուռ խորտակենք միջազգային իմպերիալիզմի հայկական դաշնակցական հատվածի լուծը, նորից բարձրացնենք կոմունիզմի դրոշմը Հայաստանում:

Կեցցե խորհրդային Հայաստանը»¹:

Համախմբվելով բռնկեցին շուրջը, Հայաստանի բանվորներն ու գյուղացիները նախապատրաստվում էին նոր, վճռական գոտեմարտերի:

Դաշնականների ավանտյուրիստական քաղաքականության հետևանքով դնալով ավելի ու ավելի էր բարդանում երկրի ներքին ու արտաքին վիճակը: Այդ առանձնակի սրությամբ արտահայտվեց 1920 թ. աշնանը:

Անդրկովկասում և Մերձավոր Արևելքում իրենց իմպերիալիստական նպատակները իրագործելու համար Անտանտայի իմպերիալիստները Անդրկովկասում հրահրում էին նոր պատերազմ: Այդ գործում հարմար գործիք էր նրանց ձեռքում դաշնականների մարիոնետային կառավարությունը: Անտանտայի իմպերիալիստները, ինչպես նշում է Ի. Վ. Ստալինը, — դաշնականներին գրգռեցին թուրքերի դեմ, հրահրեցին հայ-թուրքական պատերազմը և դաշնականները Հայաստանը խայտառակ կերպով լքեցին, թողնելով Թուրքիայի հռչակմանը:

Սկսելով պատերազմը, թուրքական զավթիչները ևս իրենց հերթին շտապում էին իրականացնելու սեփական նվաճողական սլանները Հայաստանի ու Անդրկովկասի նկատմամբ:

Պատերազմի առաջին իսկ օրերից դաշնականների զինված ուժերը կրեցին խոշոր պարտություններ: Առաջ շարժվելով, քննալական զորքերը բարբարոսաբար ավերում էին զավթված տերիտորիայի քաղաքներն ու գյուղերը, հալածա-

¹ Մարքսիզմ-լենինիզմի ինստիտուտի Հայկական ֆիլիալի արխիվ, ֆոնդ 1, դործ 4, թերթ 23—24:

կում ու թալանում էին ժողովուրդին ու երկրի նյութական հարստությունները, դավաճանալի ատելությունով ոչնչացնում հայ բնակչությանը:

Հոկտեմբերի 30-ին թուրքական զորքերը գրավում են Կարսը, նոյեմբերի 1-ին Նուստուրհան արդեն մոտենում էին Ալեքսանդրապոլին, որը զավթում են նոյեմբերի 7-ին: Նոյեմբերի կեսերին Սարիղամիշը, Կարսը, Սուրմալուն, Ալեքսանդրապոլը իրենց գավառներով գտնվում էին թուրքական զավթիչների ձեռքում:

Հայաստանի մնացած տերիտորիան լցված էր հարյուր հազարավոր գաղթականներով: Մոլեգնում էին սովն ու համաճարակը: Ամեն օր սովից ու հիվանդություններից մահանում էին հազարավոր աշխատավորներ:

Օրհասական վիճակ էր ստեղծված հայ ժողովրդի համար: Բազմադարյան պատմություն ունեցող հայ ժողովուրդը կանգնած էր կործանման սահմանի վրան:

Անգլիայի, Ամերիկայի, Ֆրանսիայի հրահրումով սկսված հայ-թուրքական պատերազմը հայ ժողովրդի համար իր ծանր հետևանքներից բացի, միաժամանակ պատերազմի վտանգ էր ստեղծել նաև Սովետական Ռուսաստանի համար: Խոսելով այդ մասին, 1920 թ. նոյեմբերի 20-ին Վ. Ի. Լենինը նշում է.

«...Կովկասում ներկայումս հյուսվում են շատ բարդ պայմաններ, որ վերին աստիճանի դժվար է ըմբռնել, ըստ որում մեր վզին կարող է պատերազմ փաթաթվել նույնիսկ օրավուր: Սակայն այդ պատերազմը, Լեհաստանի հետ զրեթե ապահովված հաշտության պայմաններում և Վրանգելի լիակատար լիկվիդացիայի պայմաններում, չի կարող շատ սարսափելի լինել, իսկ եթե մեր վզին պատերազմ փաթաթեն, ապա դա մեզ խոստանում է է՛լ ավելի ուժեղացում և մեր դրության ամրացում, քան առաջ: Թերթերի հաղորդագրություններն այն մասին, թե ի՞նչ է կատարվում Հայաստանում, Թուրքիայում, որոշ պատկերացում են տալիս մեզ այդ մասին: Ստեղծվում է չափազանց խճճված դրություն, բայց ես միանգամայն վստահ եմ, որ այդ դրությունից մենք դուրս կգանք, կամ պահպանելով հաշտությունն այժմյան հիման վրա և, անշուշտ, մեծ համար որոշ տեսակետներից շատ ձեռնուղ հիման վրա՝ մեզ բավարարող, տնտեսական գոյության հնարավորություն տվող հիման վրա: Եվ դրա վրա ենք մենք գործադրում բոլոր ջանքերը: Սակայն հնարավոր է, որ հանգամանքներն ուղղակի մեր վզին պատերազմ փաթաթեն կամ անուղղակի կերպով հասցնեն դրան: Մենք կարող ենք դրա վրա միանգամայն հանգիստ նայել — դա կլինի պատերազմ հեռավոր ծայրամասում, ըստ որում մեր կողմը կլինի ուժերի լիակատար գերակշռությունը, որը կապահովի, հավանորեն, նույնիսկ ավելի մեծ շահում, քան այն, որ ստացվեց Լեհական պատերազմից»¹:

Սակայն Սովետական Ռուսաստանի կառավարության իմաստուն քաղաքականության շնորհիվ պատերազմի այդպիսի վտանգը կանխվում է:

Ղաշնակների ավանտյուրիստական քաղաքականության հետևանքով 1920 թ. վերջերին հայ ժողովրդի համար ստեղծված այդ ծանր վիճակը չվրիպեց Ռուսաստանի Կոմունիստական պարտիայի, նրա մեծ առաջնորդ Վ. Ի. Լենինի ուղղորդությամբ: 1920 թ. նոյեմբերի 9-ին Բաքվում հրավիրվում է ՌԽ(Բ)Պ Կենտկոմի Կովկասյան բյուրոյի և Ադրբեջանի Կոմունիստական պարտիայի Կենտկոմի միացյալ նիստ, որը, առաջնորդվելով Վ. Ի. Լենինի ցուցում-

¹ Վ. Ի. Լենին, Երկեր, հատ. 31, էջ 320:

ներով, անհրաժեշտ համարեց ամեն կերպ օգնել Հայաստանի ռևոլյուցիոն մասսաներին և երկիրը փրկել վերահաս կործանումից:

Մոբիլիզացնելով բոլոր ուժերն ու հնարավորությունները, Հայաստանի Կոմունիստական կադմակերսությունները և աշխատավորները նոր թափով շարունակում էին սլաքարը հանուն Հոկտեմբերյան ռևոլյուցիայի հաղթանակի Հայաստանում: Այդ սլաքարն իր բարձրագույն աստիճանին է հասնում 1920 թ. նոյեմբերին: Այդ ժամանակ նոր Բայազետի, Ղափանի, Դիլիջանի, Շամշադինի, Էջմիածնի, Աշտարակի և այլ դավառներում ու շրջաններում մեկ կողմից բանվորների ու գյուղացիների, մյուս կողմից դաշնակցական բանդաների միջև տեղի են ունենում դինված ընդհարումներ: Ռևոլյուցիոն մասսաները, բոլշևիկների ղեկավարությամբ, անհաշտ սլաքար մղելով դաշնակների տիրասպետության դեմ, հաստատ համոզված էին, որ միայն այդ տիրասպետության կործանումով և սովետական կարգերի հաստատումով հնարավոր կլինի ձեռք բերել ազատություն ու անկախություն և երկիրը փրկել վերահաս կործանումից:

Նրանք միաժամանակ համոզված էին, որ այդ հնարավոր է իրականացնել միայն ուսումնական ժողովրդի, նրա հերոսական բանակի օգնությամբ: Հայ ժողովուրդը համոզված էր, որ անհրաժեշտ օգնություն կստանա ինչպես ուսումնական ժողովրդից, նույնպես և Անդրկովկասի եղբայրական ժողովուրդներից և հաղթանակը մինչև վերջ կհասցնի:

Դաշնակները հույս ունեին փրկվել կործանումից օտարերկրյա իմպերիալիստների օգնությամբ: Դրան հասնելու համար նրանք նույնիսկ ընդունեցին թուրքական օրինատաքիա: Այդ օրերին դաշնակների «Հառաջ» թերթուկը գրում էր. «Իր փրկության համար հայ ժողովուրդը ունի միայն մեկ ճանապարհ — գտնել անմիջական կերպով մի ընդհանուր լեզու իր հարևանի՝ Թուրքիայի հետ: Եթե հայ ժողովուրդը կամենում է ասլուրել և ասլահուլել իր սպետական ու ֆիդիկական դոյությունը հարատևորեն, — նա սկսեք է ունենա ոչ թե ուսումնական, այլ թուրքական օրինատաքիա»: Նույն թերթուկը իր մի այլ համարում գրում էր. «Այդպիսի մի ուժ, որն անխուսափելիորեն սլաքի հենարան դառնա հակաբոլշևիկյան տարրերի համար՝ տասլալելու Ադրբեջանում Սովետական իշխանությունը, — անտարապակույս կլինեն տաճկական այն ղորքերը, որոնք ձգտում են այսօր Հայաստանի վրայով մտնել Ադրբեջան»²:

Այսպիսով, հայ ժողովրդի այդ արգահատելի թշնամիները հույս ունեին Թուրքիայի օգնությամբ ճնշել ռևոլյուցիոն շարժումը Հայաստանում և տասլալել սովետական կարգերը Ադրբեջանում:

Սակայն այդ ստորությունը ևս չփրկեց նրանց:

Գնալով Սովետական իշխանության համար մղվող սլաքարը երկրում ավելի ու ավելի լայն ծավալ էր ստանում, որն իր բարձրագույն աստիճանին հասավ 1920 թ. նոյեմբերի վերջերին: Այս անգամ դինված ասպետամբության կենտրոնը Քարվանսարայի (այժմ Իջևան) շրջանն էր: Այստեղ էին կենտրոնացված ռևոլյուցիոն ղլխավոր ուժերը և ասպետամբության շտաբը: Զինված ասպետամբությունն սկսվեց նոյեմբերի 29-ին. նույն օրը ասպետամբ բանվորներն ու գյուղացիները Հայաստանի Կոմունիստական (բոլշևիկների) սլաքա-

¹ «Հառաջ», 1920, № 233:

² Նույն տեղում, № 229:

յի ղեկավարութեամբ տապալեցին օտարերկրյա իմպերիալիստների հլու կամակատար դաշնակների արյունոտ իշխանությունը:

Նոյեմբերի 29-ին Քարվանսարայում կազմակերպվում է Հայաստանի Ռեուլյուցիոն Կոմիտե (Ռեկոմ), որի կազմում մտնում էին Ս. Կասյանը (նախագահ), Ս. Տեր-Փարրիելյանը, Ա. Մռավյանը, Ա. Բեկղադյանը, Ի. Դովլաթյանը և Ա. Նուրիջանյանը: Ռեկոմը նույն օրը հրապարակում է իր Դեկլարացիան՝ Հայաստանում սովետական կարգեր հաստատելու մասին: Դեկլարացիայում ասված է.

«Հայաստանի ապստամբ աշխատավոր ժողովրդի կամքով ու ցանկութեամբ՝ Հայաստանի Կոմունիստական (բոլշևիկների) կուսակցությունը այսօրվանից Հայաստանը հայտարարում է Սոցիալիստական Խորհրդային Հանրապետություն: Այսօրվանից Խորհրդային Հայաստանի Կարմիր դրոշակը պաշտպանելու է նրա աշխատավոր ժողովրդին ճնշողների դարավոր լծից»¹:

Նոյեմբերի 30-ին Հայաստանի նորակազմ Ռեկոմը հեռագրով դիմում է Ժողովրդական Կոմիսարների Սովետի նախագահ Վ. Ի. Լենինին, ողջունելով նրան և խնդրելով Սովետական Ռուսաստանի օգնությունը Հայաստանի ապստամբ բանվորներին ու գյուղացիներին:

Վ. Ի. Լենինի ցուցումներով հերոսական 11-րդ Կարմիր Բանակի զորամասերը օգնության են հասնում ապստամբներին: Առաջ շարժվելով, ապստամբները 11-րդ բանակի զորամասերի հետ միասին ղեկտեմբերի 2-ին մտնում են Նրևան: Հայաստանի մայրաքաղաքի վրա բարձրանում է սոցիալիստական ռեուլյուցիայի ազատարար դրոշմը:

Այդ նույն օրը, ղեկտեմբերի 2-ին, հայ ժողովրդի կատաղի թշնամի զաշնակները, որոնք արդեն զրկված էին իշխանությունից, Թուրքիայի հետ Ալեքսանդրապոլում ապօրինի կերպով կնքում են մի պայմանագիր, որի համաձայն Հայաստանը փաստորեն պետք է անցներ Թուրքիայի պրոտեկտորատի ներքո և զրկվեր բանակ պահելու իրավունքից: Այդ պայմանագրով դաշնակները Թուրքիային հանձնեցին Կարսի մարզը և Սուրմալուի գավառը: Այդ իր նմանը շունեցող մի ստոր դավ էր հայ ժողովրդի հանդեպ: Շուտով Հայաստանի Սովետական իշխանությունը շեղյալ հայտարարեց այդ պայմանագիրը:

Սովետական կարգերի հաստատումը Հայաստանում՝ այդ Հոկտեմբերյան սոցիալիստական Մեծ ռեուլյուցիայի հաղթանակն էր ռուսական ցարիզմի նախկին դադութում: Անդունդի և կործանման վտանգի առջև կանգնած հայ ժողովուրդը սովետական կարգերի հաստատումով վերջնականապես փրկվեց կործանումից, ձեռք բերեց իր ազատությունն ու անկախությունը: Բրակոնացավ ազատասեր հայ ժողովրդի դարավոր իղձը, սկսվեց նրա պատմության նոր դարաշրջանը, իսկական վերածնությունը:

Հայաստանի բանվորների ու գյուղացիների հաղթանակը ողջունեց սոցիալիստական ռեուլյուցիայի մեծ առաջնորդ Վ. Ի. Լենինը: 1920 թ. դեկտեմբերի 2-ին Հայաստանի Ռազմա-ռեուլյուցիոն Կոմիտեի նախագահ Ս. Կասյանի անունով ուղարկած հեռագրում Վ. Ի. Լենինը գրում է.

«Հանձին ձեզ ողջունում եմ իմպերիալիզմի ճնշումից ազատագրված աշ-

¹ ՀՍԽՍՀ Դեկրետների և հրամանների ժողովածու, պրակ 1-ին, Պետական չրատարակչություն, Էջմիածին, 1921, էջ 1: Ընդգծումները ընագրինն են:

խատաւորական Սովետական Հայաստանին»¹, նույն թվականի դեկտեմբերի 22-ին Սովետների Համառուսաստանյան 8-րդ համադումարում ժողովրդական կոմիսարների Սովետի դործունեության մասին զեկուցման մեջ, անդրադառնալով Հայաստանում սովետական կարգերի հաստատման փաստին, Վ. Ի. Լենինը ասում է. «Ուսկտք է նշում նաև, ընկերներ՝ որ Արևելքում մեր քաղաքականությունն այս տարվա ընթացքում խոշոր հաջողություններ ունեցավ: Մենք սկտք է ողջունենք Բուխարայի, Ադրբեջանի և Հայաստանի Սովետական ռեսպուբլիկաների՝ կազմվելն ու ամրապնդվելը, որոնք վերականգնեցին ոչ միայն իրենց լիակատար անկախությունը, այլև իշխանությունը վերցրին բանվորների ու գյուղացիների ձեռքը»²:

Հայաստանում սովետական կարգերի հաղթանակը ջերմ արձագանք գտավ Լեդայրական բոլոր ժողովուրդների կողմից:

Ձեռք բերելով իրենց ազատությունն ու անկախությունը, Սովետական Հայաստանի աշխատավորները կոմունիստական սլարտիայի ղեկավարությամբ սկսեցին խաղաղ շինարարական աշխատանքները: Սակայն այդ երկար շտևեց:

Օտարերկրյա իմսլերիալիստների օղնությամբ և խրախուսանքով դաշնակալանտյուրիստները 1921 թ. փետրվարի 13-ին դինված ելույթ սկսեցին Հայաստանի Սովետական իշխանության դեմ, նսլատակ ունենալով տապալել այն: Սկսվում են քաղաքացիական կռիվները:

Այդ կռիվների առաջին շրջանում դաշնակցական դինված բանդաներին հաջողվում է դավթել Սովետական Հայաստանի մի շարք քաղաքներն ու շրջանները՝ Նրևանը, Նոր Բայադետը, Էջմիածինը, Ախտայի, Կոտայքի, Աշտառակի, Դարնադյադի և մի շարք այլ շրջաններ:

Հայաստանի բանվորներն ու գյուղացիները, նրանց կարմիր Բանակը ղենրը ձեռքին հերոսական սլայքարի են դուրս գալիս Հոկտեմբերյան սոցիալիստական Մեծ ռևոլյուցիայի ծնունդ Սովետական իշխանության սլաշտսլանության համար: Այդ սլայքարում նրանց Լեդայրական մեծ օղնություն են ցույց տալիս Սովետական Ռուսաստանի 11-րդ բանակի դորամասերը, հատկապես 20-րդ դիվիզիան և Անդրկովկասի ժողովուրդները:

Կոմունիստական սլարտիայի ղեկավարությամբ Հայաստանի բանվորների և գյուղացիների սլայքարը Սովետական իշխանության համար սլսակվում է հաղթանակով: 1921 թ. հուլիսի 13-ին դաշնակցական ջախջախված բանդաների մնացորդները դուրս են շսլրտվում Հայաստանի սահմաններից:

Ռեսպուբլիկայի աշխատավորները նորից հնարավորություն են ստանում ձևնամուխ լինելու խաղաղ շինարարական աշխատանքների:

Բանվորների և գյուղացիների դինված սլայքարը ժողովրդի թշնամի դաշնակների դեմ ղեկավարում էին Հայաստանի կոմունիստական սլարտիան, նրա այնսլիսի արժանավոր դործիշները, ինչսլիսիք էին Ալ. Մյասնիկյանը, Գ. Լեթարեկյանը և ուրիշներ: Կարմիր բանակի դորամասերը և սլարտիդանական ջոկատները այդ կռիվներում տվեցին բաղմաթիվ հերոսներ, որոնք իրենց կյանքը զոհեցին Հոկտեմբերյան սոցիալիստական ռևոլյուցիայի ծնունդ Սովետական իշխանության սլաշտսլանության, հայ ժողովրդի ազատության ու անկախության համար: Այդ հերոսների թվում են՝ Հայկական 1-ին հրաձիգ

¹ Վ. Ի. Լենին, Երկեր, հատ. 31, էջ 550:

² Նույն տեղում, էջ 610:

բրիգադայի ղեկավարական կոմիսար Լ. Մխչյանը, Հայկական 2-րդ բրիգադայի հրամանատար Երմոլենկոն, Հայկական 2-րդ հրաձիգ գնդի հրամանատար Ֆիշլևիչը, վաշտի հրամանատար Ռ. Պողոսյանը, ղեկավարական կոմիսար Ն. Օլբեցյանը, շարքային մարտիկներ Ս. Դարբինյանը, Գ. Չախոյանը, Հ. Խաչատրյանը, Ա. Ղարիբյանը և շատ ուրիշներ:

Ճեռք բերելով իր ազատությունն ու անկախությունը, հայ ժողովուրդը հնարավորություն ստացավ սովետական մյուս ժողովուրդների հետ միասին, ռուս մեծ ժողովրդի եղբայրական անշահախնդիր օգնությամբ, ձեռնամուխ լինելու նոր, սոցիալիստական հասարակարգի կառուցման պատմական գործին:

* * *

Հոկտեմբերյան սոցիալիստական Մեծ ռևոլյուցիայի 40-րդ տարեդարձը Սովետական Հայաստանի աշխատավորները, ՍՍՌՄ-ի բոլոր աշխատավորների հետ միասին, դիմավորում են պատմական խոշորագույն հաղթանակներով:

Հետևողականորեն իրականացնելով ժողովուրդների իրավահավասարության և եղբայրական համագործակցության սկզբունքը, Կոմունիստական պարտիան խնդիր դրեց ամենակարճ ժամանակամիջոցում հասնել Սովետական Միության ժողովուրդների փաստական հավասարությանը տնտեսական, քաղաքական և կուլտուրական բնագավառներում: Այդ քաղաքականության անշեղ իրականացման շնորհիվ, սովետական մյուս ռեսպուբլիկաների հետ միասին, բուռն զարգացում է ապրել նաև Սովետական Հայաստանը:

Սովետական ժողովուրդների եղբայրական ընտանիքում վերածնված Հայաստանի աշխատավորները մեծ խանդավառությամբ ձեռնամուխ եղան քաղաքային ժողովրդական տնտեսության վերականգնման դժվարին գործին, որը ավարտեցին հաջողությամբ:

Ռեսպուբլիկայում սոցիալիստական շինարարությունն ավելի լայն ծավալ ընդունեց նախապատերազմյան հնդամյակների տարիներին: 1928—1940 թթ. Սովետական Հայաստանի արդյունաբերության արտադրանքն աճել է 15 անգամ, իսկ 1913 թ. համեմատությամբ՝ 21,5 անգամ: Այդպիսի արագ զարգացումը ռեսպուբլիկայում ապահովեց սոցիալիստական արդյունաբերության տեսակարար կշռի անշեղ զարգացումը արդյունաբերության և գյուղատնտեսության համախառն արտադրանքի մեջ, որը 1928 թ. 28,1 տոկոսից 1940 թ. հասել էր 80,7 տոկոսի: Ռեսպուբլիկայի սոցիալիստական արդյունաբերության այդպիսի զարգացումը տեղի է ունեցել գյուղատնտեսության վերելքին զուգընթաց:

Երկրի ինդուստրացման քաղաքականության անշեղ կենսագործման հիման վրա ինչպես ամբողջ Սովետական Միությունում, նույնպես և նրա բաղկացուցիչ մասը հանդիսացող Սովետական Հայաստանում իրականացավ ամբողջ ժողովրդական տնտեսության տեխնիկական վերակառուցումը: Անհրաժեշտ նյութական նախադրյալներ ստեղծվեցին գյուղատնտեսության սոցիալիստական վերակառուցման համար, ապահովվեց սոցիալիզմի հաղթանակը նաև գյուղում:

¹ Социалистическое строительство в РСФСР (1920—1940). Ереван, 1940: стр. 19.

Արագ թափով ծավալվեց և առաջ ընթացավ հայ ժողովրդի ձեռք ազգային, քաղաքականության մասին սոցիալիստական կոլտուրան:

Սոցիալիստական շինարարության դործում ձեռք բերած հաղթանակների և երկրի տնտեսական ու քաղաքական կյանքում տեղի ունեցած արմատական փոփոխությունների շնորհիվ հին, բուրժուական ազգի փլատակների վրա ծաղկեց ու զարգացավ սոցիալիստական հայ ազգը:

Սովետական իշխանության տարիներին ձևավորվեցին հասարակական բոլորովին նոր դասակարգեր՝ սովետական բանվոր դասակարգը, որն ազատ է կապիտալիստական շահագործումից, սովետական կոլտնտեսային գյուղացիությունը, որը վերջնականապես ազատագրված է բուրժուա-կալվածատիրական ճնշումից ու շահագործումից, սովետական ինտելիգենցիան, որը դուրս է եկել բանվոր դասակարգի և աշխատավոր գյուղացիության ծոցից:

Կոմունիստական պարտիայի լենինյան ազգային քաղաքականության հետևողական կենսագործման շնորհիվ Սովետական Հայաստանը դարձավ Սովետական Միության առաջավոր ռեսպուբլիկաներից մեկը:

1941—1945 թվականների Հայրենական Մեծ պատերազմում մեր երկրի բոլոր ժողովուրդները, ուստի մեծ ժողովրդի գլխավորությամբ, կանգնեցին թշնամու դեմ, կրծքով պաշտպանելով մեր Հայրենիքի ազատությունն ու անկախությունը, Հոկտեմբերյան սոցիալիստական Մեծ ռևոլյուցիայի նվաճումները: Հայրենական Մեծ պատերազմին իր ակտիվ մասնակցությունը ցուցաբերեց նաև հայ ժողովուրդը, պատվով կատարելով իր պարտքը մեր Մեծ Հայրենիքի հանդեպ: «Հայրենական պատերազմի տարիներին, — ասված է Հայաստանում սովետական կարգերի հաստատման 25-ամյակի առթիվ ՍՍՌՄ Ժողկոմսովետի և ՀամԿ(բ)Պ Կենտկոմի ողջույնի հեռագրում, — հայ ժողովուրդը պատվով կատարեց իր պարտքը Հայրենիքի հանդեպ: Հայ ռազմիկները Սովետական Միության մյուս ժողովուրդների զավակների հետ միասին անձնվիրաբար պաշտպանում էին մեր Հայրենիքի ազատությունն ու անկախությունը: Հայաստանի բանվորները, կոլտնտեսականները և ինտելիգենցիան անդուլ կերպով աշխատում էին թշնամու դեմ հաղթանակ նվաճելու համար»¹:

Հայրենական Մեծ պատերազմի հաղթական ավարտումից հետո Հայաստանի բանվորները, կոլտնտեսային գյուղացիությունը և ինտելիգենցիան ձեռնամուխ եղան ժողովրդական տնտեսության վերականգնման ու զարգացման հետպատերազմյան հնգամյա պլանի կենսագործմանը (1946—1950 թթ.): Բուռն տեմպով աճեց ու հզորացավ նաև Սովետական Հայաստանի էկոնոմիկան, որը հանդիսանում է Սովետական Միության էկոնոմիկայի բաղկացուցիչ մասը: Այդ տարիներին ռեսպուբլիկայում կառուցվել և վերակառուցվել են ավելի քան 50 խոշոր արդյունաբերական ձեռնարկություններ, աննախընթաց դարձացում են աղյուղ էլեկտրամեքենաշինությունը, հաստոցաշինությունը, քիմիական արդյունաբերությունը, գունավոր մետաղների մշակությունը, գյուղատնտեսական մեքենաշինությունը և այլն, որոնք ունեն միութենական նշանակություն:

Սովետական Հայաստանի բանվոր դասակարգի, կոլտնտեսային գյուղացիության և ինտելիգենցիայի նվիրված ու ստեղծագործական աշխատանքի շնորհիվ ռեսպուբլիկան նոր հաջողությունների հասավ հինգերորդ հնգամյակի տարիներին՝ 1951—1955 թթ.: Ծանր արդյունաբերության զարգացումն հետ

¹ «Սովետական Հայաստան», 1945, նոյեմբերի 25:

միասին, հինգերորդ հնգամյակի տարիներին Սովետական Հայաստանում հեռավոր վերելք են ապրել թեթև և սննդի արդյունաբերությունը, եթե ռեսպուբլիկայի արդյունաբերության ընդհանուր արտադրանքը 1940 թ.¹ համեմատությամբ 1950 թ. ավելացել էր 249 տոկոսով, ապա 1955 թ. 471 տոկոսով²։

Ռեսպուբլիկայի աշխատավորները, ղինված ՍՄԿՊ XX համագումարի որոշումներով և սլաքարելով դրանց կենսագործման համար, նոր, ավելի մեծ հաջողությունների են հասել վեցերորդ հնգամյակի առաջին երկու տարիներին՝ 1956 և 1957 թթ. 1913 թ. համեմատությամբ, 1956 թ. Սովետական Հայաստանի արդյունաբերության արտադրանքը ավելացել է 45 տոկոսով, եթե 1913 թ. Հայաստանում արդյունաբերությունը տալիս էր 26 տոկոսի արտադրանք, ապա ներկայումս այն տալիս է ավելի քան 400 տոկոսի արտադրանք։ Այդ արտադրանքը իրացվում է ոչ միայն Սովետական Միությունում, այլև արտասահմանյան շատ երկրներում։ Միայն Երևանի Լենինի անվան էլեկտրագործարանի արտադրանքը մեծ հաջողությամբ իրացվում է արտասահմանյան 22 երկրներում, այդ թվում Եգիպտոսում, Հնդկաստանում, Արգենտինայում, Լեհաստանում, Թուրքիայում, Հարավսլավիայում և այլ երկրներում։ Ներկայումս ռեսպուբլիկայի էլեկտրակայանները 12 ժամում տալիս են այնքան արտադրանք, որքան սովել են Հայաստանի էլեկտրակայանները ամբողջ 1919 թ. ընթացքում։ Հայկական ՍՍՌ-ում մեկ շնչին հասնում է 76 տոկոսով ավելի էլեկտրաէներգիա, քան Բուլղարիայում, 80 տոկոս ավելի, քան Ճապոնիայում, 21 տոկոս ավելի, քան Թուրքիայում և այլն։

Սովետական իշխանության տարիներին սոցիալիստական արդյունաբերության բուռն զարգացման շնորհիվ Սովետական Հայաստանում ստեղծվել են արդյունաբերական այնպիսի խոշոր կենտրոններ, ինչպիսիք են Երևանը, Լենինականը, Կիրովականը, Ալավերդին և Ղափանը։ Ռեսպուբլիկայի ժողովրդական տնտեսության մեջ աշխատում են բարձրագույն կրթությամբ մոտ 30 հազար մասնագետ, որից 6000 ինժեներ, 3400 գյուղատնտես և անասնաբույժ, 3800 բժիշկ և այլն։

Նշանակալից հաջողությունների է հասել Սովետական Հայաստանի սոցիալիստական գյուղատնտեսությունը։ Ցանքատարածությունները 1913 թ. 346 հազար հեկտարից 1955 թ. հասել էին 481 հազար հեկտարի²։

Ներկայումս Հայաստանում կա 900 կոլտնտեսություն, 48 սովխոզ։ Սոցիալիստական գյուղատնտեսության աշխատավորները ծավալում պայքար են տանում ՍՄԿՊ XX համագումարի սլաքամական որոշումները կենսագործելու, մեր ռեսպուբլիկայի արդյունաբերության մեջ եղած թերությունները լիկվիդացնելու, նրա բոլոր ճյուղերում արտադրանքը շեշտակի կերպով բարձրացնելու ուղղությամբ։

Հետպատերազմյան ժամանակաշրջանում Սովետական Հայաստանում ավելի լայն ծավալ ընդունեց ժողովրդական կրթության գործը։ Ռեսպուբլիկայի գյուղական վայրերում հաջողությամբ իրագործվում է յոթնամյա պարտադիր ուսուցումը, իսկ քաղաքներում՝ միջնակարգ պարտադիր ուսուցումը։ Բացի տարրական դպրոցների մասսայական ցանցից, ներկայումս ռեսպուբլիկայում

¹ Народное хозяйство СССР, статистический сборник, Госстатиздат, Москва, 1956, стр. 51.

² Народное хозяйство СССР..., стр. 112.

դործում են 620 ոչ լրիվ միջնակարգ և 403 միջնակարգ դպրոցներ, 41 տեխնիկում:

Աննախընթաց վերելք են ապրել հայ ժողովրդի ձեռք ազգային, բովանդակությամբ սոցիալիստական կուլտուրան ու արվեստը: Այդ բնագավառում ձեռք բերված հաջողությունների փայլուն ցուցադրումը հանդիսացավ 1956 թ. հունիսին Մոսկվայում տեղի ունեցած Սովետական Հայաստանի արվեստի ու գրականության տասնօրյակը:

Սովետական Հայաստանում լայն զարգացում է ստացել բարձրագույն կրթությունը և գիտա-հետազոտական հաստատությունների ցանցը: Ռեսպուբլիկայի 12 բարձրագույն դպրոցներում սովորում են մոտ 15 հազար ուսանող: Նրե նախասովետական շրջանում Հայաստանում չկար ոչ մի գիտա-հետազոտական հաստատություն, այս օրերին կա 12-ից ավել: Գրեթե բոլոր գիտությունների ակադեմիայի սիստեմում: Ըր բեղմնավոր աշխատանքով Գիտությունների ակադեմիան կարևոր գործ է կատարում սովետական առաջավոր գիտության զարգացման ուղղությամբ: Ակադեմիայի սիստեմում կա 23 գիտական հաստատություն: Այստեղ աշխատում են ավելի քան 60 ակադեմիկոսներ և թղթակից-անդամներ, 360 դոկտորներ և գիտության թեկնածուներ:

Այդպիսի նվաճումներով է դիմավորում Հոկտեմբերյան սոցիալիստական Մեծ հեղափոխության ծնունդ Սովետական Հայաստանը Մեծ Հոկտեմբերի 40-ամյակը:

Համախմբված Սովետական Միության Կոմունիստական պարտիայի և Սովետական կառավարության շուրջը, սոցիալիստական հայ ազգը, հզոր Սովետական Միության սոցիալիստական ազգերի հետ միասին, ռուս մեծ ժողովրդի գլխավորությամբ, հաստատ քայլերով առաջ է ընթանում դեպի կոմունիզմ: